

主典三員

元從八位官今定從七位下官

右彼使奏狀稱謹檢案內太政官去延曆十七年七月廿日下式部省符稱被大納言正三位神王宣稱奉勅使人等職是要重宜依件官位永賜季祿者○中使等伏請共增位階依件被定謹聽天裁者右大臣宣奉勅依請

天安元年十一月十日

按察使季祿

〔類聚三代格〕五太政官謹奏

按察使今准正五位階祿純五疋

記事今准正七位階祿純二疋

右國郡官人漁獵黎元盡害政法故置件司糾彈非違肅清奸詐既定官位宜令有祿料其按察請准正五位官記事准正七位官給祿謹量議如前伏聽勅裁謹以申聞謹奏

養老五年六月十日

奉勅朕之股肱民之父母獨在按察不可同等宜更加祿一倍仍隨風土所出通融相折餘依奏自今以後永為恒式

〔延喜式〕二十六凡按察使及記事季祿衣服廝丁衣服以陸奧國正稅交易充之遙授之人不在給限

大宰府季祿國司季祿

〔延喜式〕十八凡大宰及對馬官人季祿者於大宰府給之其大唐通事祿准大初位官

〔續日本紀〕十一天平四年五月乙丑薩摩國司停止季祿衣服乏少並依請給之

〔享祿本類聚三代格〕六太政官符

一聽運位祿季祿料米事

右得大宰府解稱謹檢太政官去神護景雲二年七月廿八日符稱得府解稱五位國司及帶諸○諸國諸司官人等款云所賜位祿并季祿料春米上京欲資親族者府檢辭狀不可不申仍前例不便更加准